

Q V Æ S T I O M E D I C A.
 CARDINALITIIS DISPUTATIONIBVS MANE DISCVTIENDA
 IN SCHOLIS MEDICORVM, DIE IOVIS VI. MARTII.
 M. GASPARO BRAYER Doctore Medico Moderatore.

An Catarrho obnoxij diæta calefaciens & exsiccans?

829



ATARRHVS morborum propè omnium author aut comes, vix in capite collectus est, cum in obuias quascùmque partes confestim vel paulatim irruit, ac pro omnigena humorum copiâ quam secum rapit, omnis generis affectus inducit. Interdùm ad caput ipsum intus forisq̃ue lacescit, sub alio tamen nomine: abutitur namquè voce catarrhi, quisquis ad omnes humorum à parte in partem eruptiones extendit: nec satis latè sumit qui illis tantummodò destillationibus applicat, quæ ex capite in os, fauces, & pulmonem quoquo modo illabi solent.



ATARRHVS licet in capite tanquam metropoli residet, aliunde tamen, originem suam trahit, & vt meteora in sublimi quidem loco generatur: verumtamen generationis suæ materiam & efficiam, ex subiectis plerùmque visceribus mutuatur. Quapropter non tantùm homo, supra cetera animantia catarrhis mancipatur; sed inter homines, illi catarrhis frequentioribus diuexari solent, quibus æstuant præcordia & jecur præferuidum existit. Hinc manifesta sit catarrhi & febris *anoxialis* & apertè videre est, quàm raræ, ne dicam prorsus nullæ sint destillationes, quas à frigore suscitari plerique existimant.



ATARRHVM sanè facit quidquid humores in capite coaceruare, fundere, ac liquare natum est. Ille autem quâ data porta ruit; & quocunq̃ue se verterit, omnia terroris implet, vbique sæuitiæ suæ notas impimit: vel repentinum affert interitum: vel mille emptum cruciatibus cunctantemque tandem accersit. Ecce in thoracem ruit efferus humor, & protinus *anoxialis* homines euadunt. In medullam decurrit & mox *anoxialis* in conspectum venit. In vertebrae & carnes salit, nec mora, hydrops nulla medicabilis arte enascitur. Denique in extremas corporis partes impetum facit cun-
 ctaturque, & *anoxialis* diris cruciatibus miseros percellere consueverunt.



ATARRHVM tantùm abest, vt sistat, mitiget, & absumat diæta calefaciens & exsiccans; quin imò hepar incendiendo, ardorem ubiq; accendendo, serosam illuuiem non tantùm producendo; sed in omnes corporis partes maximè cerebrum per vasa patentissima propagando, continuo halitu caput feriendo opplendoque, natiuam humiditatem absorbet, cerebri *anoxialis* destruit, excrementa auget in immensum, reserata aperit, crassa incidit, fixa mouet, compacta liquat, gratiosos humores acuit; ac proinde catarrhos, non tantùm ciet, leues exacerbat, vetustos insana-
 biles reddit; sed affectus innumeros, priore multò deteriores inuehit.



ATARRHOS curat haud dubiè, quisquis humorum vitium emendat, copiam amandat, & futuro deinceps prouentui occurrit. Hac arte delitescentes incuneatosque vel in penitioribus cerebri recessibus succos euacuat, fluctuantes fluentesque sistit, turgentes ac ferocientes compescit, æstuan-
 tes refrigerat, frigidos calefacit, & (quod supremum est omnium) intemperiem, perpetuum tot malorum fomitem corrigit. Quia verò constat inter epularum crapulæque delicias, catarrhos non leue sumere incrementum; in instituenda idonea victus lege, cautum & seuerum Medicum esse oportet. Hæc autem quantò magis ad naturalem hepatis *anoxialis* accedet, tantò certius à catarrhis catarrhorumque iniurijs vindicabit.

Non ergo Catarrho obnoxij diæta calefaciens & exsiccans.

M.P.
 276.

Proponebat Lutetiæ PETRVS CONSTANT, Aruernus. A. R. S. H. M. DC. XXXVI.